

Tentsioa talde independentisten artean ekaitz politiko katalanean

Pujolen alderdiak independentziaren aldeko adierazpen bat sinatu du

Talde abertzale katalanen arteko eztabaida bizia agerian geratu zen igandean Bergan (Katalunia) egindako 'Pi de las Tres Branques-eko' ohizko ekintza nazionalistan. Batetik, CiU koalizioako kide moderatuak radikalago jokatzeko joera azaldu dute. Bestetik, MDT talde independentistako kideek ERCren kontrako ekintzak burutu zituzten.

LUIS FERNANDEZ / DONOSTIA

Gertakarietan, gazte talde batzuek, gehienak Moviment de Defensa de la Terra (MDT, Lurraren Defentsa Mugimendua) taldekoak antza, Esquerra Republicana de Catalunya-ko (ERC) partaideen eta liderren kontra ekin zuten. Harriak, arrautzak eta botilak ekin zuten talde independentista hauek, beraiek «traidoretzat» dituzten ERCko buruzagien kontra, bereziki Angel Colom liderraren kontra.

ERCk komunikatu gogor bat kaleratu zuen atzo, erasotzaileak «talde txiki eta inkontrolatuak» direla salatzen. Erasok «indarkeria faszistaren» adierazgarri dira, ERCren iritziz. Esquerrak, gainera, «tristura»

PSOEk zuzenean kontrolatuko du Expo'92 Erakusketa

SEVILLA

Sevillako 1992ko Erakusketa Unibertsaleko (Expo'92) komisari ohiaren iritziz, Expo'92ko orain arteko agintaritzak ez du jadanik proiektuaren kontrolik izango, eta «boterea» zuzenean Espainiako Gobernuak izango du. Horrela adierazi zuen atzo Sevillan Manuel Olivencia komisari ohiak, prentsaurreko berean.

Atzo bertan baita ere, bere kargua hartu zuen bere ordezkioak, Emilio Cassinello diplomatikoak, ekintza ofizial batean. Olivenciaren ordezkari Cassinello jartzean ez da izen aldaketarik burutu, organigrama osoa-rena baizik. Orain, Cassinellok duen funtzio eta agintea mugatua izango da eta PSOEren Gobernuak kontrol zuzena indartu egingo du Erakusketaren inguruan. Gobernuak Expo-an izan duen delegatuak, Jacinto Pellon-ek, konpetentzia zabalagoak izango ditu, orain arte Olivenciarenkin liskarretan aritu ondoren. Bestetik, Narcis Serra gobernuaren lehendakariordeak bere gain hartu du «koordinazio orokorra».

Oposizioaren esanetan, PSOEk Expo-92 erabat kontrolatzeko urratsa da guzti hau, ondoren Erakusketaren etekin publizitario eta politikoa ondo profitatzeko.



Joko Olinpikoen kontrako ekitaldi nazionalista. Ondoan, Angel Colom.

✓ Independentista radikalenentzat ERC «traidorea» bilakatu da, borroka armatuari uko egin eta «bide instituzionala» aukeratu izanagatik.

ere azaldu du talde radikalen jarraitzeak. «Ez dira gai arrazontzeko, ikusteko argi dagoela independentziaren aldeko borroka bide baketsu eta demokratikotik irabaziko dugula». Azken finean, ERCko prentsa bulegoak adierazi duenez, talde hauek ez dute independentziarekin zerikusirik. «Nonbaiten hustu behar dute barruan daramaten biolentzia».

«HIRU ADARREKO PINUA» Istiluetan, ez zuten parte hartu nahi izan Mossos de Esquadra direlakoek, Kataluniako polizia autonomoek, eta hori ere salatu du ERCk. Mossos-ak Berga herrian geratu ziren ekitaldiaren zelaira igon gabe, nahiz eta jakin goian borroketan ari zirela. ERCren arabera, alderdiko gazteriak, JERC taldeak, ez ziren erantzun besteen indarkeriari eta horregatik ez zen egoera gehiegi larritu. Hala ere, ERCkoa den Bergueda eskualdeko alkate batek kolpe gogorak jaso zituen eta ospitalean dago. Erasok honengatik denuntzia aurkeztuko du alderdi errepublikar.

rrak. Pi de las Tres Branques delako hau ('Hiru Adarreko Pinua') Herri Katalanen arteko batasunaren sinboloa da. Urtero zuhaitz ezagun honen inguruko zelaian, Berga herrian, egin ohi den ekitaldia Katalunia, Valencia eta Balearen arteko batasunaren aldarrikapena izan ohi da [Estatu frantseseko zati katalana, Rosello, historikoki Kataluniaren partetzat jotzen da].

Biltzarren protagonista nagusia Esquerra Republicana de Catalunya (ERC), berriki Tierra Lliure talde armatuko koadro nagusiek armak utzi eta bertan sartzea erabaki eta gero. Gertakari garrantzitsu honekin, batzuen begitan, indarberritu egin da eta independentismo katalanaren adierazlerik garrantzitsuen bilakatu da. Beste batzuentzat, ordea, ERC alderdi «traidorea» bilakatu da, borroka armatuari uko egin eta «bide instituzionala» aukeratu izanagatik.

Edozela ere, «lurrikara» izan da Kataluniako politikarako, ERCren norabide politiko berria. Dagoeneko Katalunia Lliure alderdia, Terra



XAVIER MORENO

Lliureren pareko politikoa, zatitu egin da. Crida per la Solidaritat ('Elkartasun Deiadarra') kultur mugimenduan ere disentsioak nabari dira. Mugimendu independentistaren barne, MDTk eta SPSCk (elkartasun komiteak, nolabait Amnistia-aren Aldeko Batzordeen antzerakoak) ERCren kontrako jarrera hartu dute, borroka armatuaren beharra azpimarratuz. Terra Lliureko preso talde batek ere leerro ofizialaren disolbaketaren kontrako komunikatuak kaleratu izan dute.

Nazionalismo moderatuak ere astindua ezagutu dezake, bereziki Jordi Pujolen alderdian, Convergencia-n (CDC, CiU koalizioaren partaide UDC talde demokristauarekin).

CDCko militante talde esanguratsu bat ERCn sartzekotan dabilela komentatu izan da. Zenbait «moderatu» hasi dira mugitzen. 'Hiru adarreko pinuaren' ekitaldian Josep Miro Ardevol kontseilari pujolista ohiak adierazi zuenez, «orain da garaia katalan guztientzat Estatu bat eratzeak». Miro Ardevol Komite Olinpiko Katalaneko burua da gaur egun. JNC (CDCko gazteria) taldeko liderrak, Carles Campuzanok, Ekialdeko Europara begiratu beharra azpimarratu zuen igandeko ekintzan.

Autonomi Estatutuaren kontra

Pi de les Tres Branqueseko ekitaldian komunikatu polemiko bat sinatu zuten zenbait talde nazionalistek. ERCz gain, MDTk ere sinatu zuen independentziaren aldeko agiri hori, nahiz eta beren kideak borrokan aritu lehen-txeago. Ez horiek bakarrik, CiU koalizioa bi alderdie-tako ordezkariak ere baietsi zuten aldarrikapena. Hori bai, ekitaldia egin zen Bergueda eskualdeko koadro lokalak izan ziren komunikatuaren sinatzaileak, ez alderdien kupa-lak.

Komunikatuak puntu benetan sutsuak zituen:

- 1.— Autodeterminazio eskubidearen aldarrikapena, independentzia lortzeko.
- 2.— Gaur egungo «autonomien Estatua» baztertzeko, eta Kataluniako Autonomi Estatutuaren ezabapena, beste bat egiteko.
- 3.— Gobernu Zibil eta Diputazioen ezabapena.
- 4.— Preso dauden patriota —horrelaxe dio testuak— ka-

talanen askatasuna.

5.— Joko Olinpiko espainolak Barcelonan egitea gaitzestea.

Komunikatu gogorra sinatu arren ordezkari lokalek, Esquerra Republicanak bere egin zuen atzo agiriaren edukin osoa. ERCko erakunde lokal askok zentzu bere-tuko beste hainbat agiri kaleratu zituzten igandean. Convergencia eta Unio alderdien jarrera ofiziala agiri radikalekin bat ote datorren zalantzakoa da, baina gu-txienez oinarrian iritziak pil-pilean dauden adierazgarri da. CDCren egoitzan ez zuten atzo gaia komentatu nahi izan, eta atzo gauez burutzeko zen Biltzar Exekutiboaren bileran erabakiko zela adierazi zuten. Biltzar hori hama-bostero bildu ohi da, eta atzokoak —emaitzak gaur eman-go dira jakitera— esangura berezia zuen, azken bi asteo-tan gori-gorian jarri baita Kataluniako politika eta in-dependentziaren eztabaida.

Hassan II eta Diouri frantziar telebistetan mintzo

ALLANDE SOKARROS / BAIONA

Abdelmoumen Diouri Frantziatik hilabete batez kanporatua izan zen marokkiar oposizioileak eta Hassan II Marokkoko erregeak eztabaida itxura bat izan zuten igande arratsean, frantziar telebista bi kateren bitartez. Hassan II erregea TF1eko erredakzioak emanaldi berezi baterako konbidatu zuen. Abdelmoumen Diouri, aldiz, FR3ko '19/20' albiste saioan mintzo zen.

Hassan IIaren erregimena aspaldidanik salatzen duen marokkiar idazleak baieztatu zuen argitaragai den bere azken libururengatik zutela kanporatu. Izan ere idazlan honen bitartez, Moumen Diourik Hassan II erregea Marokkoko enpresa emankorren jabe-tzen dela azaltzen du eta igandean berak zioenez: «frantziar kolonialismoaren ondoren Hassan IIaren kolonialismoaren men gaude gaur».

Bere kanporatzea liburu horrek zekartzan argibideek zutela eragin frogatzat emateko, Diourik zera zioen: «zinez gizon kaltegilea izan banintz, ez zautaten nere pasaportea berrituko aurtengo martxoan berean». Gaur oraindik agertua ez den bere liburu honen argitalpena ezeztatzeraz prest zegoela adierazi zuen hala ere Diourik, baldin eta marokkiar preso politikoa askatuak bada. Oposizioilearen kanporaketan Marokkok presiorik ez zuela egin esan zuen Hassan IIak, baina gehienek iritziz, Parisek Erregearekin duen «adiskidetasuna» izan zen Abdelmoumen Diouri kanporatzeko arrazoia.

Alabaina, holakorik onartzeko gogorik ez du batere azaldu Hassan II erregeak, TF1 katean adierazitako bere hitzetan. Izan ere, Diouriri gutxiesten hitz batzuk aditzera eman eta, Marokkoko erregeak gezurtatu egin zuen bere erresuman preso politikorik dagoenik.

INMIGRAZIO POLITIKARI BURUZ

Tazmamart-eko espetxe izugarria badenik ere ukatu egin zuen Hassan IIak, baina bertan hamazortzi urte hauetan preso datxikaten Abraham Serfaty oposizioileak ez dela askatua izanen, «Mendebal Sahara Marokko dela ezagutuko ez dueno» gaineratu zuen Erregeak.

Bestalde, imigrazioaren arazoei buruz, Hassan IIak zioen frantziar enpresetako ugazabek «luketela finkatu behar zenbat kanpotar langile nahi dituzten eta gehitu zue-nez: «Frantziak sobera dituen marokkiar langileak bidaltzen ahal dizkit».